

A V R E A
PRACTICA
LIBELLORVM, PE-
TRI IACOBI AVRELIANENSIS,
I. C. clariff. & Practici celeberrimi.

IN QVA, EA QVAE AD ACTIONVM RECTE
instituentiarum rationem, etiam in quocunq; negociorum ge-
nere, ac aliàs ad praxim Forensẽ pertinent, ex funda-
mentis Iuris, quàm solidissimè traduntur
& explicantur.

*Nunc primùm, in gratiam Scudioforum ac Practicorum Iuris, è tenebris & sicu
ad lucem reuocata, diligenter recognita, & Summarijs Additioni-
bùsque utilissimis illustrata.*

Opustam vtile & necessarium, vt magni nominis Iurisconsulti censuerint,
non minùs I. C. hoc volumine, quàm Sacerdotem Bre-
uiario, instructum esse oportere.

Cum duplici INDICE locupletissimo.



COLONIAE AGRIPPINAE,
Apud Geruinum Calenium, & heredes Quentelios.
Anno Domini M. D. LXXV.

Cum priuilegio Imperiali ad Decennium.

Coll. Soc. I. E. S. V. Salm. ex dono Regum.

TYPOGRAPHVS

CANDIDO LECTORI S.



VM nuper in manus meas, fortè fortuna, veniret, Candide Lector, hæc PRACTICA LIBELLORVM (non immeritò, AVREA dicta) PETRI IACOBI AVRELIANENSIS, I. C. suæ ætatis clarissimi, & Practici celeberrimi, ante multos annos Lugduni impressa: eamq; ex parte euoluerem, ita mihi statim placere cœpit, vt quàm maximè operæ precium censerem, eam in lucem reuocare, atq; omnibus communem facere. Quo me Studiosis Iuris & Practicis cùm primis gratū facturū, ratus sum, propter summam eiusdem vtilitatem. de qua nō est necesse, vt ego hīc multa adferā, cū eam, Opus hoc ipsum præsens, per se satis, atq; etiam Præfatiuncula sequens, Maturini Gitaldi, breuiter quidē, sed accuratè, demonstrant. adeò, vt sanè mirum sit, tam diu in paucissimorum tantū manibus, librum hunc tam vtilem, delituisse, & in lucem reductum non esse. Sed id haud dubiò hinc factum, quòd liber iste hactenùs innumeris scatuerit mendis, nullisq; Summarijs, quæ lectori vtilissima, & properantibus quasi necessaria sunt, illustratus fuerit: difficulterq; hodiè inueniantur, qui id operæ, in gratiam Reipub. præstare velint. Quas difficultates nunc nos in humeros nostros suscepimus, & effecimus, per Dei gratiam, vt PRACTICA hæc, iam diligenter recognita atque emendata, pristinæ suæ integritati restituta, Rubricis exactiùs distincta, & commodis Summarijs, additionibusque non contemnendis, illustrata, in lucem prodeat. Accipe igitur læta fronte, Candide Lector, hanc Practicam, sanè vtilissimam, quam non absque maximis difficultatibus nostris tibi nunc exhibemus, eaque tuo & Reipub. bono vtere. Breui, Deo volente, plura similia daturi. Vale.

PRACTICA AVREA

LIBELLORVM, PETRI IACOBI AVRELIANENSIS, CLARISSIMI IVRECONSULTI.

S V M M A R I V M.

- 1 Inuocatio diuini nominis, & de eius perfectione & omnipotentia.
- 2 Authoris institutum.
- 3 Libellum formanti quid inspiciendum & cognoscendum.
- 4 Azonis ad Summam, pro alijs, tanquam ad tubam veritatis recurrendum.
- 5 Azo in quibus locis non legendus.
- 6 Tempus, quo hoc opus libellorum ab auctore publicum accepit.

P R O O E M I V M.



Filius Dei vnigenitū Dominum IESVM Christum, verū Deum & verū hominem, ducem & Saluatōrē nostrum inuocando, qui cum patre & Spiritu Sancto substantialiter vnus est, & solus Deus, & vnus solus omnipotens Dominus, q̄, vt ait Anna, scientiarū est Dominus, & omnia in sapientia fecit, & sapientia eius non est numerus, cuius perfecta sunt opera, & lex eius, & omnes viae suae veritas, cui omnia seruiunt, tamen bonorum nostrorum non eget: quia & vt ait auctor de causis, primum, id est, Deus, est diues in se, & diues in alijs: diues in se, quia ipse alijs rebus nō eget: & diues in alijs, quia omnia alia egent eo. Ego Petrus Iacobi, † de Aurelia legum Doctor, in Monte Pessulano residens, pro instruendis Aduocatis, & etiam pro prouectis Scholaribus librum Institutionum legendibus, & specialiter super titulo de actionibus, ad formandos aliquos libellos progredior. Et licet libelli dominorum Roffredi & Io-

1. Reg. 2.

Psal. 118.

Psal. 15.

2

hannis de Blonofco, & Guillermi de Ferrarijs videantur posse sufficere, attamen libelli, & alia quae dicam, sanè intelligentibus prodesse poterunt, non obesse. Et cum ad rectè formandos † libellos, & ad rectè formatos sustinendos, seu ad obtinendum in causa, oporteat vim & naturam actionis intentatae cognoscere, necesse est super natura actionis, ad textus & glossas ordinarias iuris ciuilibus recurrere: qui cum sint aliquando nimis diffusi, & ad perquirendum laboriosi, omissis Summis, quas † dicuntur fecisse domini predecessores nostri, Rogerius, & Placētinus, & Iohannes, ad Summā domini Azonis, tanquā ad tubam veritatis recurratur, † excepta materia C. de liber. præ. vel exhered. authent. ex causa præteritionis, & excepta materia, de acqui. posses. l. fin. super quibus consulo perquirere textus, & eos intelligere, & obseruare, iuxta glossas ordinarias, Summa domini Azonis in illis quasi omissa, vel quasi posita in sequentio. Datū anno † Domini M. CCC. XI. 6

R V B R I C A I.

De rei vendicatione, quae competit ratione directi dominij.

S V M M A R I V M.

- 1 Libellus ratione directi dominij exhibitus, quibus iuribus probetur, & super qua actione formatus sit. nu. 2 & 3.
- 4 Actio in re cōpetit ratione directi dominij.
- 5 Dominij verbum simpliciter prolutum, intelligitur de directo.
- 6 Positiones decem, quibus actor probare potest directum dominium, quanuis non nisi ex vna causa acquiratur.
- 7 1. Insula nata in mari, sit eius, qui primus eam occupat.